

Gaiq Ien

□ Luz Dangzbwnj / 陆塘本

Vunz raeuz dawz ien gingq vunz dwg roxsoq, dawz ien gingq beix-nuengx dwg doxhuz. Mwngz hawj ien vunz cit, vunz couh haenh mwngz miz laex. Cit ien miz ik miz haih, gij vunz lauxgeq cungj gangj cit ien daezsaenz, cit ien ndaej gaijmbwq, hoeng canghyw cungj naeuz cit ien miz haih lai, haih ndang swhgeij couh suenq lo, boux deng nyouq ien mwngz cit caemh deng haih bae.

Gou daj 20 sigij 60 nienzdaih couh gaen gij vunzhung hag cit ien, cigdaengz ndaej doxaeu baenzgya. Bi 1963 nienz gou hainduj cit ien, seizhaenx cit gij ien dwg iensei. Iensei dwg aeu ienmbaw yungh fagcab cad baenz. Aeu ceij daeuj gienj iensei baenz yenhcaij couh ndaej cit lo.

Gou couhwdw gienghneix hag cit ien, cit bae cit dauq couh yinx hwnjdaej lo. Gou ciengzseiz bak gamz miz ien, guhhong yietnaiq cit ien, gwn haeux gvaq ngamq cuengq

vanj roengzdaeuj youh cit ien, lwgfwnz gou cungj bienq henj caez. Mehyah saeg buh raen buh gou haeu ien lai, couh ndaq naeuz: “Cit ien lai le, ndangdaej cungj haeu ien caez, buhvaq caemh haeu caez lo.” Yienznaeuz deng mehyah ndaq lai baez, hoeng, gou cungj gaiq mbouj bae ien.

Doeklaeng gou cit ien, cungj cawx gij ien moix bau gai 8 faen daengz gak ngeih ngaenz. Gou 1963 nienz doxaeu baenzgya, daengz 1965 nienz miz lwgnyez. Ranz gou gungh miz song dahsau, gou caeuj mehyah guhhong ciengx ranz, ngaenz mbouj gaeuq yungh, lwgnyez hung le soengq bae doegsaw cungj yungh ngaenz, saedceij yienghneix dwgrengz, gou lij aeu ngaenz bae cawx ien cit, gvaq mbouj ndaej deng mehyah ienq lo.

Cit daengz bi 2010, gou baenz-bingh lo, baez cit ien couh ae. Gou bae yihyen genjcaz le, canghyw gangj

mbouj ndaej cit ien lo, hoeng, gou lij laeglemx ok ranzvunzbingh bae cit ien. Canghyw, husw raen le cungj gangj: “Mwngz caiq cit ien couh mbouj miz mingh lo.” Vunz ndawranz hix cungj gienq gou doeklaeng mbouj ndaej cit ien lo.

Ndawsim gou hix rox, seizneix gaenq bienq laux lo, youh miz bingh, youh deng ae, caemhcaiq bak haeu ndang haeu, yienghneix roengzbae mbouj gaiq ien mbouj ndaej. Baenzneix gou couh gietsim gaiq ien lo.

Hoeng, gaiq gvaq sam baez, cungj gaiq mbouj bae. Daengz bi 2010, caiq gaiq ien, dauqdaej gaiq ndaej bae lo. Gou daj hainduj cit ien daengz seiz gaiq ndaej ien, miz 40 lai bi, cit ien baenzlai bi lij gaiq ndaej ien, caen mbouj yungzheih. Gou vihmaz gaiq ndaej ien, ceiq youqgaenj dwg aeu miz gietsim, vunz gingq ien mbouj cieq, vunz hawj ien mbouj cit.



Bak yaek ngeix cit ien seiz couh bae gwn mak gwn dangz.

Gou gaiq ndaej ien le, ndangdaej ndei lo, bingh gag ndei lo. Gou aeu gyo'mbaiq gyoengq canghyw caeuj husw, dwg gyoengqde gienq gou gaej cit ien aeu hoh ndangdaej, hix gyo'mbaiq vunzcaen itcig cihciz gou gaiq ien, gaiq mbouj ndaej bae gyoengqde hix mbouj yawjsiuj gou hix mbouj byaep gou, naeuz baez moq itdingh gaiq ndaej.

Gou cit ien geijcib bi, daengz geq cungjsuenq cingqcaen rox cit ien haihcawq lai, cungjsuenq gaiq ndaej ien lo. Gou aeu gangj aen goj cit ien miz haih gou hawj lwglan dingq, son gyoengqde gaej cit ien.

Dawz Mingzcoh Mwngz Deu Haeuj Go'ndoeck Bae

□ Vangz Civeij / 黄志伟

Gou caemrwgrwg naengh youq laj goek go'ndoeck

Caj mwngz daengz ndang ndok mazmwnh

Daengngoenz doek roengz bo Mbouj raen gij ngaeuz mwngz gvaqdaeuj

Gou rox mwngz bae mbouj caiq dauq Youq gwnz roen seizcoz Mwngz mbouj caiq doxdaug

Bi'gvaq caeuj mwngz naengh youq laj goek go'ndoeck

Bineix rangz gaenq maj sangset Mwngz youq laj go'ndoeck boq dig

Sing dig

Vaq baenz rumzcou ci daeuj Rumz boq haeuj ndawsim gou Gyoetradrad

Caek raemxda Doek dek le ndaek rin'gyaek Vih mwngz

Gou nyienh ngoenz daengz hwnz Niemh mwngz

Go dawz mingzcoh mwngz deu haeuj go'ndoeck bae

Moix baez sim'in aekdiuq Raen daengz mingzcoh mwngz Gou couh simva hai angj

Fwen Danq Sam Nyied Sam

□ Cai Beizganh / 蔡培康

Ngeih sam nyied vavengj, Seiqlengq rongh baenz ngaenz; Sam nyied sam daeuj daengz, Faengz eu fwen angqcoux.

Daegbied dwg bineix, Gwnz vangj bae eu fwen; Gyoengq canghfwen beixnuengx, Eu fwen youq gwnz fwj.

Youq gwnz fwj eu fwen, Daengx lajmbwn rwenz doh; Miz fwen youh miz go, Youq Niujoyz ndaejnyi.

Sam nyied sam bineix, Caeuj baezgonq mbouj doengz; Aj bak eu geij coenz, Doq simsoeng youq vangj.

Gou gaenq 85 bi, Lij eu ngon Fwencuengh; Daengq hauxseng beixnuengx, Cungj lai ndiep eu fwen.

Youq Niujoyz eu fwen, Rwenz ma doh ranzmbanj; Bineix sam nyied sam, Simhai langh baenz va.

Gou nyieux gvaq baihlaj daizcae q mohrin, duzngwz hung caen mbouj raen lo, cij lw gaet rieng youh lwenq youh dinj youq henz rinbanj daizcae q, caen dwg geizheih, de mbouj bienq-baenz maz duzfangz iugvaiq ya, lauhei q youq gyangngoenz ndit dak lajde, de lij miz di lau? Baenzlawz gaet rieng haenx hix yied bienq yied dinj ne? Ca mbouj geijlai dinj lumj lwggwz yienghhaenx dinj ndwi lo, caemhcaiq lij cingq bienq iq, bienq dinj, bienq iq, bienq dinj.

“Ah Byauh.”

Henz rwz mumjgyumq ndaejnyi miz vunz heuh gou, hoeng gou mbouj ndaejhoengq bae nyi, sing haenx miz di lumj caemxndang youq laj raemx seiz dingq vunz youq gwnz henz dah

·Sawcuenhraz Lwgnyez·

Gij Golwgnyez Henz Dahhoengz

□ Lanz Haijyangz Moz Beibei / 蓝海洋 莫蓓蓓

heuh yienghde. Gou dan goq ndaej rieng duzngwz laj daizcae q haenx, baez yaep da rieng de couh mbouj raen lo, rinbanj baihnaj daizcae q hoengqvattat, lw miz geij dei q namh soi q caeuj gij rum roz, nanzdauh duzngwz hung bienqbaenz geu ien ndeu, hwnj mbwn bae lo.

“Ah Byauh!”

Miz vunz youq gizgyae heuh gou,

gij sing beij haxbaenh lij cingcu j di lo, lumj mbouj dwg Ah Gunh gyoengqde, gou mbouj miz rengz bae faenbied lo, hix mbouj gamj haibak han, lwgda cim youq daizcae q baihnaj mohrin, yawj duzngwz hung haenx rox mbouj rox yaek dauqcungz ret okdaeuj yienj ndang gaeuq roxnaeuz bienqbaenz maz iugvaiq daeuj, baenzbaenz song ga gou gaenq nanqunq ndaej iet hix

mbouj soh gungj hix mbouj ndaej lo, buet hix buet mbouj ndaej gyae, cij ndaej yienghneix lo.

Sawqmwh, da gou byaengq ndaej engq hung lo, lumj aeu lwgda yaek camx gvaq rinbanj daizcae q. Gvaiq mbouj ndaej duzngwz hung mbouj raen lo, yenzlaiz laj daizcae q giz maj nywj miz diz geh he, duzngwz hung gig mbouj yungzheih caenx haeuj ndaw geh, ndonj haeuj ndaw rinbanj bae lo. Fatyienh gijneix, ndawsim gou couh onjdupdup roengzdaeuj lo, doq mbeihung hwnjdaej, duzngwz hung mboujcaengz bienqbaenz iugvaiq, caemhcaiq seizneix youh ndonj haeuj rinbanj, gou lij lau maz dem ne!?

“Ah Byauh!”

(caengz sat)